

**AKHBAR : HARIAN METRO**  
**MUKA SURAT : 28**  
**RUANGAN : SETEMPAT**

# Doa buat Ainul Mardhiah

■ Pasukan perubatan United Kingdom buat imbasan ke atas bayi hidap kanser mulut

Yusfiq Wan  
am@hmetro.com.my

Kuala Lumpur

Pasukan pakar perubatan di London, United Kingdom (UK) segera melakukan pemeriksaan bagi menilai keadaan Ainul Mardhiah Ahmad Sufiuddin sebelum tindakan selanjutnya diputuskan, kata Dr Nur Analina Che Bakri.

Pakar bedah warga Malaysia yang berkhidmat di UK itu berkata, pasukan yang terdiri daripada pakar perubatan pelbagai disiplin itu juga akan melakukan siri imbasan dan siasatan ke atas Ainul Mardhiah yang berusia sembilan bulan itu.

"Ia untuk memastikan tindakan selanjutnya yang bakal dilakukan ke atas Ainul Mardhiah.

"Saya mengucapkan penghargaan kepada rakyat Malaysia dan harap semua dapat beroada supaya kita dapat laukuan yang terbaik un-



**FAKTA**  
Ainul Mardhiah berada di London bagi menjalani pembekalan

AHMAD Sufiuddin (dua dari kanan) bersama Nurul Erwani (tengah) serta anak mereka, Ainul Mardhiah illia di London. Keren sekali, Dr Dzulkefly.

tuk bayi itu," katanya.

Beliau sebelum itu menyambut ketibaan bayi berkenaan bersama ibu bapanya iaitu Ahmad Sufiuddin Ahmad Razak dan Nurul Erwani Zaidi, kedua-duanya berusia 24, di London pagi kelmarin.

Ainul Mardhiah berada di

London bagi menjalani pembekalan di negara berkenaan berikutan kanser mulut Germ Cell Tumor semakin merimbangkan walaupun sudah menjalani beberapa siri kemoterapi.

Media sebelum ini melaporkan Dr Nur Analina bersama selukupulan pakar di UK bersedia membuat pem-

bedahan terhadap Ainul Mardhiah dengan kos rawatan dianggarkan lebih RM1 juta.

Dalam pada itu, Menteri Kesihatan Datuk Seri Dr Dzulkefly Ahmad yang turut berada di Hospital London bagi memberi sokongan moral kepada keluarga Ainul Mardhiah yakin rangkaian

kerjasama pakar perubatan dari Malaysia dan UK akan dapat membantu bayi berkenaan.

"Kerjasama pertubuhan bukan kerajaan yang lebih pantas daripada kerajaan sendiri amat baik dan saya berdoa usaha ini akan membawakan kejayaan," katanya.

AKHBAR : HARIAN METRO

MUKA SURAT : 15

RUANGAN : SETEMPAT



*HME rakaman CCTV menunjukkan kereta yang dilalui lelaki mengelak ambulan sebelum membuat kecoh di dalam kawasan HKL.*

# Tolong pun kena tampar

■ *Pembantu perubatan dikasari didakwa lengahkan penghantaran mangsa kemalangan ke hospital*

Hasbi Sidek  
mohd.hasbi@hmetro.com.my

Kuala Lumpur

**P**erkhidiman terbaik diberi namun penampar yang diterima itu nasib menimpa seorang pembantu perubatan Hospital Kuala Lumpur (HKL) di sini, dalam kejadian awal pagi kelmarin.

Dalam kejadian kira-kira jam 3 pagi, lelaki berusia 29 tahun itu didakwa cuba melengah-lengahkan untuk menghantarkan mangsa kemalangan menggunakan ambulans ke hospital sedangkan ketika itu mengikut prosedur yang ditetapkan.

Lelaki yang dikenali sebagai Umair berjaya, terdahulu dia dan pasukannya memberi respon kepada satu kes kemalangan jalan raya dekat Jalan Datuk Seru, Sentul membabitkan seorang lelaki yang mengalami luka pada dahul dan kakinya.

"Sebaliknya di lokasi, saya memberikan rawatan primer kepada lelaki tersebut sebelum dibawa masuk ke dalam ambulans namun tidak terus beredar kerana saya memberikan rawatan sekunder seperti menasukkan air ke badan mangsa kerana hilang banyak darah."

"Ketika memberikan rawatan sekunder seperti prosedur yang ditetapkan, seorang lelaki tidak dikenali mengetuk pintu be-

lakang ambulans secara agresif dan memarahi kami supaya segera ke hospital," katanya ketika dihubungi di sini, semalam.

Umair berkata, sebaik tiba di hospital, pesakit dibawa ke zon kuning bahagian kecemasan namun tiba-tiba muncul seorang lelaki membuat bising di lantai kecemasan mempertajamkan tindakannya yang tidak terus beredar dari lokasi kejadian sebaik pesakit dibawa masuk ke dalam ambulans.

"Keadaan menjadi kecoh sebelum Polis Bantuan HKL tiba dan lelaki tersebut beredar. Bagaimanapun, seorang lagi lelaki datang membuat kecoh di kawasan sama menyebabkan waris pesakit lain hilang sabar."

"Saya cuba menterjemahkan lelaki itu dengan menariknya keluar namun secara tiba-tiba satu penampar hingga di bahagian telinga kiri saya," katanya kesal diperlakukan semacamnya.

Kejadian itu turut mendapat perhatian Pakar Perunding Perubatan Kecemasan HKL, Dr Alzamani Mohamad Idrose yang memuat naik kesjadian berkenaan di laman Facebook (FB) miliknya, kelmarin.

Sementara itu, Ketua Polis Daerah Dang Wangi Asisten Komisioner Mohd Fahmi Visuvanathan, ketika dihubungi di sini, semalam mengesahkan pihaknya menerima laporan berhubung kejadian.

AKHBAR : BERITA HARIAN

MUKA SURAT : 18

RUANGAN : ISU

## Kementerian Kesihatan disaran kaji insurans kesihatan mental

**Kuala Lumpur:** Kementerian Kesihatan disaran meneliti dan mengkaji isu perlindungan insurans bagi individu yang mengalami masalah mental untuk mendapatkan rawatan.

Pengerusi Institut Keselamatan dan Kesihatan Pekerjaan Negara (NIOSH), Tan Sri Lee Lam Thye, berkata perlindungan insurans terhadap pesakit mental bukanlah sesuatu yang baharu terutama di negara maju.

Justeru, katanya, kementerian berkenaan harus meneliti daripada semua sudut dan mengkaji bagaimana perkara itu dapat diselesaikan di negara yang sudah melaksanakannya.

"Badan bukan kerajaan (NGO) juga perlu menyediakan memorandum kepada Kementerian Kesihatan, Bank Negara dan persatuan insurans untuk menerangkan secara terperinci dan rasional menurut perlindungan insurans bagi pesakit mental."

### Hak perlindungan

"Pada masa sama, rakyat Malaysia yang mempunyai masalah kesihatan mental perlu tampil ke depan dan merayu diri mendapatkan hak perlindungan insurans terhadap kesihatan mental mereka," katanya dalam satu kenyataan semalam.

Beliau mengulas kenyataan Timbalan Menteri Kesihatan, Dr Lee Boon Chye sebelum ini bahawa cadangan mengenai perlindungan insurans untuk pesakit mental perlu dirujuk kepada Bank Negara.

Lam Thye berkata, pada awal tahun ini, sebuah syarikat insurans melancarkan polis perlindungan insurans pertama untuk pesakit mental di Singapura.

Katanya, pelan berkenaan meliputi lima keadaan, iaitu 'Major Depressive Disorders' (MDD), skizofrenia, gangguan bipolar, 'obsessive compulsive disorder' (OCD) dan sindrom 'Tourette'.

"Seslalu sahaja boleh mengalami masalah kesihatan mental pada bila-bila masa, namun malangnya kos rawatannya sangat tinggi, malah insurans kesihatan tidak meliputi kos perkhidmatan psildati jika anda memerlukannya," katanya.

Beliau berkata, kajian Kesihatan dan Morbiditi Kebangsaan 2015 menunjukkan bahawa kira-kira 4.2 juta rakyat Malaysia berumur 16 tahun ke atas atau 29.2 peratus daripada penduduk negara ini, mengalami pelbagai masalah mental.

### Kos rawatan tinggi

"Rekod itu menunjukkan peningkatan sebanyak 11.2 peratus berbanding 2006. Lebih membimbangkan, nisbah pelajar yang mengalami masalah mental meningkat dari satu dalam setiap 10 orang pada 2011 kepada satu daripada lima orang pada 2016."

"Injaiuan Kesihatan dan Morbiditi Kebangsaan 2017 mengurai kesihatan mental diajarni belia juga mendedahkan bahawa seorang daripada lima remaja berasa ter tekak, dua daripada lima merasa bimbang, 11.2 peratus mempunyai idea membunuh diri dan 10.1 peratus pernah cuba bunuh diri," katanya.

AKHBAR : BERITA HARIAN

MUKA SURAT : 13

RUANGAN : ISU

## SUSULAN KLINIK SWASTA NYAWA-NYAWA IKAN

# Kerajaan kaji keperluan naikkan caj konsultasi

➔ Kos ubat makin mahal, kerena TPA punca klinik persendirian makin tertekan



Dr Lee Boon Chye

Oleh Mohd Azis Ngah  
dan Suzalina Halid  
bhnews@bh.com.my

Kuala Lumpur

**K**erajaan masih mengkaji keperluan untuk naikkan caj konsultasi atau perundangan doktor di klinik persendirian, yang mendakar kadar sedia ada disamakan dengan caj doktor di hospital swasta.

Sejak 27 tahun lalu, kerajaan menetapkan caj konsultasi pada kadar RM10 hingga RM35, tetapi syarikat pengurusan perkhidmatan kesihatan pihak ketiga (TPA), hanya membenarkan caj RM10 hingga RM15 bagi sedap pesakit.

Sementara caj konsultasi doktor di hospital swasta pulau jauh berbeza, apabila menerima bayaran antara RM30 hingga RM125, selepas kajian semula dilakukan pada tahun 2013.

Keadaan itu menyebabkan banyak klinik persendirian semakin tertekan, selain terpaksa berdepan kerena TPA dan kos ubatan yang semakin mahal.

TPA ditubuhkan orang seorang atau syarikat insurans sebagai pihak ketiga antara syarikat korporat dengan klinik persendirian, untuk menguruskan proses pembayaran bil rawatan kalitangan swasta. Kadar fi 10 peratus dikenakan kepada klinik swasta bagi sedap jumlah bil rawatan dikenakan kepada pesakit panelnya. Aktiviti TPA terdakuk kawalan Bank Negara Malaysia dan Bahagian Amalan di Kementerian Kesihatan, berpaduan kepada Bahagian 15, Subseksyen 82(1) dan 83(1) Akta Kemudahan Kesihatan dan Jagaan Swasta (PHPSA) 1998 (Akta 586).

Timbbalan Menteri Kesihatan, Dr Lee Boon Chye, berkata pihaknya sedang menunggu laporan menyeluruh mengenai permintaan itu sebelum membuat sebarang keputusan.

"Memang ada permintaan da-

ri pada banyak pihak supaya kerajaan selaraskan kadar caj itu."

"Kertas cadangan sudah dikemukakan kepada Kabinet dan dibincangkan. Memang ada keperluan jangka panjang supaya kadar ini dinasihkan."

"Disebabkan keadaan ekonomi, kerajaan bimbang dan mahu klinik swasta kajian menyeluruh mengenai kos sara hidup. Adakah ini akan memberi impak kepada rakyat. Jika tidak membebani rakyat, mungkin akan dibenarkan," katanya.

Mengenai caj konsultasi ditetapkan TPA yang dianggap menganali pengendalian klinik swasta, Dr Lee berkata, kadar caj maksimum itu memang dipersejui mengikut Akta 586.


**Harga ubat tinggi**  
Dr Lee berkata, banyak faktor yang menyebabkan klinik swasta gagal beroperasi termasuk isu harga kos ubatan tinggi, sedangkan mereka tidak boleh mengenali caj terlalu mahal kepada pelanggan.

"Kita akui kos ubat memang mahal. Kadar inflasi ubatan dianggarkan 15 peratus setahun dan kerajaan sedang mengkaji mekanisme bagaimana kita boleh membantu mengawal harga kos ini terutama di peringkat pembebasan.


"Syarikat pembekal utama dunia tidak mempunyai standard harga. Mereka meletakkan harga berbeza bagi pasaran Malaysia, Singapura, Thailand dan Filipina," katanya mengulas drafwaan kos ubat meningkat 20 peratus setahun menjadi punca utama klinik swasta 'guling tikar'.

Katanya, langkah paling berkesan menangani isu itu ialah mengadakan rundingan dengan syarikat farmasi atau pembekal utama dan berharap Malaysia akan menerima bekalan pada harga gudang.

"Ini bukan isu monopoli, te-



## KES KLINIK SWASTA YANG DITARIK JALIK PERAKUAN PENDAFTARAN



bekal ada hak eksklusif tersendiri, syarikat lain tak boleh ambil atau buat ubat yang sama.

"Fetapi bagi ubat tertentu, ada syarikat lain yang boleh buat ubat yang sama. Walau pun kerajaan dan swasta mendapat labur daripada pembekal utama yang sama, ada juga bekalan daripada sumber berbeza," katanya.

**130 klinik tutup setiap tahun**  
Ketika ini, secara puratanya, hampir 130 klinik swasta ditutup setiap tahun dan dilupuskan perakuan pendaftaran klinik perubatan swasta, akibat pelbagai masalah termasuk kegawatan ekonomi.

Sepanjang tempoh 2015 hingga April 2018 itu, sebanyak 511 klinik ditutup, termasuk 178 kes akibat masalah pengurusan, manakala 180 kes membatikan isu kegagalan mematuhi Akta

586 atau peraturan lain berkenaan.

Baliknya, sebanyak 104 kes punca berpuncanya daripada masalah kegawatan ekonomi serius, menyebabkan mereka tidak mampu meneruskan perniagaan.

Bagi tempoh empat bulan pertama tahun ini pula, 55 kes dilaporkan termasuklah 26 kes akibat masalah pengurusan; gagal mematuhi peraturan (tujuh kes), masalah ekonomi (apan kes) dan 15 kes berpindah lokasi.

Dr Lee menegaskan, peraturan klinik yang ditutup masih rendah dan terkawal, tetapi pihaknya tetap memandang seiring isu berkenaan.

"Berdasarkan statistik 2018, cuma 15 kes saja ditutup kerana faktor ekonomi (6.7 peratus). Tetapi, kita akan terus memantau keperluan pelesiran serta pembaruan lesen secara berkala," katanya kepada BH.

**AKHBAR : SINAR HARIAN**  
**MUKA SURAT : 8**  
**RUANGAN : NASIONAL**

## 'Inilah hero-hero Ainul!'

**Dua doktor pengiring Ainul dari Kuala Lumpur hingga ke London**

NOORAINULYAKIN ISHAK

LONDON

**B**apa kepada Ainul Mardhiah yang menghidap germ cell tumor, Ahmad Saffuddin dan Ahmad Razak menyifatkan dua doktor yang mengiringi mereka ke London untuk memantau kesihatan Ainul sepanjang penerbangan sebagai 'hero Ainul'.

Menurutnya, dua doktor itu iaitu doktor pakar anestetik Avisenia, Datuk Dr Jaseemuddeen Abu Bakar dan Dr Guna dari Subang Jaya Medical Centre

(SJMC) adalah doktor yang hebat.

"Mereka berdua yang berhempar pulas uruskan transfer (perpindahan) Ainul dari Malaysia ke United Kingdom (UK)."

"Tugas mereka adalah kena pastikan Ainul fit dalam perjalanan terutama ketika dalam flight (kapal terbang). Ini antara hero-hero Ainul!" katanya dalam perkongsian di laman Facebooknya semalam.

Kelmanin, Ainul selamat tiba di London setelah penerbangan bersama bapa dan ibunya, Nurul Erwani Zaidi, 24, dari Lapangan Terbang Antarabangsa Kuala Lumpur (KLIA) menuju pesawat Malaysia Airlines (MAS).

Ahmad Saffuddin juga berkongsi keadaan terkini Ainul sebaik tiba di sebuah hospital di London di mana dia dalam keadaan baik.

"Cuma oksigennya sahaja sikit terganggu dan hospital



Ahmad Saffuddin (tengah) bersama dua doktor yang turut sama mengiringi Ainul iaitu Dr Jaseem (kanan) dan Dr Guna.

sedang menstabilkannya semula," katanya.

Sementara itu, Menteri Kesihatan, Datuk Seri Dr Dzulkefly Ahmad yang berada di

London turut berkesempatan melawat Ainul di salah sebuah hospital di sana.

"Alhamdulillah saya berkesempatan melawat adik

Ainul Mardhiah di salah sebuah hospital di London pagi ini (kelmarin) ketika dalam perjalanan ke Lapangan Terbang Heathrow untuk pulang ke Malaysia.

"Dia tiba awal pagi tadi (kelmarin) bersama ayah, Ahmad Saffuddin, 24, dan ibunya Nurul Erwani bagi mendapatkan rawatan di sini," katanya dalam satu kenyataan yang dikongsi di Facebook Kementerian Kesihatan Malaysia (KKM).

Dr Dzulkefly turut merninta orang ramai supaya mendoaakan agar pembedahan bayi berusia lapan bulan itu berjalan dengan lancar.

"Saya difahamkan bahawa adik Ainul Mardhiah, yang berusia lapan bulan, menghidap kanser germ cell tumor sejak dilahirkan.

"Insya-ALLAH, sama-sama kita doakan yang terbaik buat anak kecil ini," katanya.